

# Kastam rampas makanan sejuk beku RM2.45j tiada permit import

## Operasi pada Jun, Julai di Klang sita tiga kontena

**Kuala Terengganu:** Jabatan Kastam Diraja Malaysia (JKDM) Terengganu merampas tiga kontena mengandungi 76,836 kilogram (kg) makanan sejuk beku bernilai RM2.45 juta dengan anggaran cukai kira-kira RM491,327.03 dalam operasi pada Jun dan Julai lalu.

Pengarah JKDM Terengganu, Hasbollah Din, berkata rampasan pertama membatalkan dada ayam sejuk beku di Zon Perdagangan Bebas, Klang, Selangor pada 23 Jun yang dikirar sebagai sayur campuran sejuk beku dan didapati tidak mempunyai sebarang permit import.

"Kes kedua pula membatalkan rampasan isi daging itik sejuk

beku yang dikirar sebagai sayur campuran sejuk beku pada 23 Julai di Terminal 1, Zon Perdagangan Bebas, Pelabuhan Utara, Pelabuhan Klang, Selangor, manakala kes ketiga ialah rampasan ayam sejuk beku di Pelabuhan Klang pada hari sama," katanya dalam kenyataan, semalam.

Hasbollah berkata, ketiga-tiga kes menggunakan modul operasi randi pengkikraran tidak benar dan disiasat di bawah Seksyen 135(1)(a) Akta Kastam 1967 yang boleh dikenakan denda tidak kurang 10 kali nilai barang atau mana-mana yang lebih besar dan tidak lebih 20 kali nilai barang atau RM500,000, yang mana-mana lebih besar atau dipenjarakan tidak kurang enam bulan atau tidak melebihi lima tahun atau kedua-duanya sekali.



Hasbollah Din

**Bantu perangi penyeludupan**  
Mengikut seksyen itu juga, individu yang disabit kesalahan boleh didenda atau dipenjarakan tidak kurang tujuh tahun atau kedua-duanya.

"Kes turut disiasat mengikut Seksyen 132(1)(a) Akta Kastam 1966 yang jika disabit kesalahan boleh didenda tidak kurang RM500,000 atau dipenjarakan tidak kurang tujuh tahun atau kedua-duanya," katanya.

Sehubungan itu, beliau meminta orang ramai membantu JKDM memerangi masalah penyeludupan, khususnya rokok, minuman keras, mercun, dadah, kenderaan dan lain-lain.

Setiap aduan boleh disalurkan ke talian bebas tol kastam menerusi 1-800-88-8855. Semua identiti pemberi maklumat dijamin akan dirahsiakan. **BERNAMA**



Rampasan pertama babitkan dada ayam sejuk beku di Zon Perdagangan Bebas, Klang, Selangor pada 23 Jun lalu.

(Foto ihsan FB Info Bencana Terengganu)